

四庫未收書輯刊編纂委員會編

四庫未收書輯刊

北京出版社

肆輯・叁冊

四庫未收書輯刊

四庫未收書輯刊編纂委員會編

北京出版社

〔清〕楊鍾泰撰

尚書今文二十八篇解不分卷

清道光十八年載德堂刻本

肆輯・叁冊目錄

尚書今文二十八篇解不分卷	〔清〕楊鍾泰撰	一
尚書因文六卷首一卷末一卷	〔清〕武士選撰	一五一
讀尚書日記不分卷	〔清〕余宏淦撰	二四七
經笥質疑書義原古二卷	〔清〕張瓚昭撰	二七三
禹貢錐指節要一卷	〔清〕汪彥石輯	三〇五
禹貢山水詩九卷	〔清〕崔启晦撰	三二三
禹貢釋詁一卷附文集摘刻一卷	〔清〕孫喬年撰	三六九
禹貢今釋二卷	〔清〕芮日松撰	三九一

禹貢正詮四卷〔清〕姚彥渠撰

四二五

禹貢古今注通釋六卷〔清〕侯楨撰

四六七

禹貢章句四卷末一卷〔清〕譚澐撰

五四九

禹貢匯解六卷首一卷〔清〕洪兆雲撰

六二一

古文尚書冤詞平議二卷〔清〕皮錫瑞撰

七三五

〔清〕楊鍾泰撰

尚書今文二十八篇解不分卷

清道光十八年載德堂刻本

道光戊戌年禁

尚書今文二十八篇解

載德堂藏板



尚書今文二十八篇解序
 顏師古曰衛宏定古文尚書序
 云伏生老不能正言言不可曉
 使其女傳言教錯齊人語多與
 穎川異錯所不知凡十二三略
 以其意屬讀而已吳州廬曰二
 十八篇伏生口授是錯意讀其
 間闕誤固多然不害其為古書
 也漢魏數千年來解經者輩出
 經愈明而經亦愈晦即如尚書
 二字禮記經解云疏通知達書
 教也未嘗云尚書左傳國語及
 戰國諸子書凡引書或曰夏書
 或曰商書周書亦皆無尚書之

名其稱為尚書者言伏生始孔
安國所謂伏生口授二十餘篇
以其上古之書謂之尚書是也
而王肅乃謂上所言史所書故
曰尚書則以上為君矣鄭康成
云尚者上也尊而重之若天書
然則以尚為天矣康成又據緯


璿璣鈴之說謂孔子尊而命之
曰尚書則又以尚書為孔子所
加矣說經至此穿鑿已極然則
實盒先生此篇之不可以不任
也實盒以辛酉孝廉屢困春
闈丁丑大挑一等籤掣北河顧
其志不屑小就顛以其學開導

後進兩司長邑鐸於課本之外
垂簾著書經史子多所發明此
其一班也余聞而慕之久矣道
光丙戌春始獲晤面一見惺晚
嗣是詩酒唱和時相遇從因出
此篇以示余竊以六體十例三
科七觀之道後學習焉不察即

間有一二稽古儒生而撫拾既
浮拊衷鮮當得此篇以正之是
真能表聖賢之心跡彙眾說之
精粹為後學之津梁不亦快哉
目之曰尚書仍伏生所定之名
也標之曰今文以孔壁所藏古
文出之稍後也定之曰二十八

篇刪泰誓偽書而從其原本非
 取象於二十八宿之謂也昔人
 謂杜預為左氏功臣林西仲又
 為杜預功臣然則伏生為尚書
 功臣實益又為伏生功臣矣
 其急梓之公同好是為序
 道光九年歲次己丑孟夏月上

澣書亭程題雁書於長山官廨
 史觀我堂



闔學公案
 校字門人
 李敬燾 仲暉
 劉夢周 石齋
 李敬灝 若梁
 王煥 崑山
 王錫齡 與九
 石孔涵 虛谷
 王棻吉 六謙
 李敬涑 勉實
 劉澐 鍊堂
 王焜 耀亭
 趙景西 宏齋
 賈漢南 渭川
 石炳南 伯芬
 李敬潞 彥齋
 王煜 旭村
 李璧晉 接三
 王經星 曜垣

尙書今文二十八篇目錄

虞書

堯典

皋陶謨

夏書

禹貢

甘誓

商書

湯誓

盤庚

周書

高宗彤日

西伯戡黎

微子

周書

牧誓

洪範

金縢

大誥

康誥

酒誥

目錄

一

梓材

召誥

洛誥

多士

無逸

君奭

多方

立政

顧命

呂刑

文侯之命

費誓

秦誓

目錄

二

尙書今文二十八篇乃伏生口授龜錯以隸寫者每篇各順經文添設虛字解作俗語期於易曉而後已其添設之字用圖識別其非俗語所能通者則更為解說用方識別除方與圖悉仍經文非創格也朱子教人解易之法曰只添虛字迎過意來秦誓苦今文難讀竊取其法以讀是經讀之既久文章從口義理愜心信屈聱牙若無有焉因臆聖人先得人心之所同其所為言為人

人所不能言未嘗非人人所欲言其所爲行爲人人所不能行未嘗非人人所欲行從千載下尙論古人則處局外者心自無私以無私之心求合往哲此心此理當無不同故其記言記動垂在簡策者皆可以意逆也何事守後儒糟粕信傳以疑經哉今文出自伏生口授訛文錯簡理固應有然自漢世以來相傳如此生古人後不見全經拾殘補闕以就已意雖博極微引而岐中有岐非得聖人復起手訂而面命之誰能信所徵之又不誤乎是以固守經文不辭膠滯順文考義因義敷辭雖極奧義必合時語古今語言有不相同此訓詁之所由

尙書今文解

三

來也苟能通俗不敢株守先儒緒餘亦無專從期得於心無畔乎經而已至於古文之僞才老發其端朱子暢厥旨草廬益以詳延及我

朝經學昌明諸儒疏通愈證愈明存而不論二十五篇具在文從字順無庸更解司馬文正公有言經猶的也一人射之不若衆人射之其中者多也雖不能中抑亦欲張弓屬矢擬觀德於矍相之圃當亦古人所不禁歟招遠

楊鍾泰學

楊鍾泰

尙書今文二十八篇解

招遠楊鍾泰

堯典

堯典一篇夏史臣追述堯舜治天下之事也典冊在几上尊閣之也謂存治天下之道於冊而尊之以爲法也篇首有帝堯字因摘堯字冠於典上以名篇篇內紀言紀事悉夏史追述之語故以曰若稽古起之曰者史官發語詞若順也稽考也夏史臣曰由今若順而上稽考古之帝堯堯名堯舜禹皆名下云有鰥在下曰虞舜帝曰咎禹知堯亦名也自古謂之曰放勳放大也勳功也

尙書今文解

堯典

一

是古稱堯之詞後遂稱之爲堯號故孟子曰放勳乃祖落又曰放勳曰其爲人也欽敬明哲文章外著而情思內涵安安然無爲見其恭也允乎其恭也其讓也其克讓者也其光被於四表猶言四極格至于上天下地克明俊德俊猶美也以親其九族九族既親睦矣以平章於百姓平讀爲辨辨治也章章明也百姓謂百官百姓既昭著而明顯矣謂各事其事各盡其職以協和於萬邦萬邦黎民於美矣哉皆變化於善而其時雍和也乃俞義氏和氏案尙書大傳有義伯和伯茲所命者蓋其伯也元金仁山謂四子分職必有二伯以總之不然厥法

廟諱敬避下同

無所統矣蓋伯在國都中以主麻象四子則分遣之測
 驗於四極之地命之以欽敬若順乎昊天以麻數著象
 日月星辰以知天時以敬授人時分命義氏之仲使宅
 居於嶠夷其所居之地曰陽谷孔傳東表之地稱嶠夷
 陽明也日出於谷而天下明嶠夷陽谷一也馬云嶠海
 隅也夷蔡夷也宋薛氏季宣云在今登州齊乘以臨海
 州為嶠夷後漢書以東夷為嶠夷近胡肅明云當在朝
 鮮以寅賓乎出曰賓讀為儀謂敬迎出日如儀接然平
 治秩序東作之事春主東方故春事曰東作此時之日
 永短適中昏中星惟鳥鄭注義火之方以殷仲春之時
 尚書今文解 堯典 二

殷正也時至仲春厥民則析析而東作鳥獸則羣尾孔
 傳孔化曰羣交接曰尾申命義氏之叔命其仲又命其
 叔曰申命也使宅居於南交宋林氏之奇曰南交即交
 趾地理今釋今安南國今文尚書有曰明都三字鄭注
 不言曰明都三字者摩滅也以平治秩序南訛之事夏
 主南方故夏事曰南訛訛化也物盛而化史記作南為
 正義譌于偽反索隱云為依字讀春言東作夏言南為
 皆是耕作營為勸農之事近惠定宇云訛與譌古字相
 通詩或寢或訛韓詩作譌說文引詩民之譌言今詩作
 訛訛動也索隱作為者古偽字皆省作為索隱是也使

敬以致力於其事此時之日極於永長昏中星惟火鄭
 注大火之屬以正仲夏之時時至仲夏厥民則因春
 事而加增鳥獸則毛稀而革見分命和氏之仲使宅居
 於西方鄭注西者隴西西縣之八充山史記注引作兌
 山地理今釋西朔方皆非地名西之不可為西縣猶朔
 方不可為朔方郡皆不得專指一處黃度尚書云禹貢
 西被流沙自流沙以西皆夷界山川不紀於職方故稱
 西以見境域不止此也朔則北限沙漠荒茫攸遠山川
 不可見故稱朔方以為大界其所居之地曰昧谷孔傳
 昧冥也日入於谷而天下冥故曰昧谷宋王伯厚困學
 尚書今文解 堯典 三

紀聞謂虞翻云當為柳谷魏明帝時張掖柳谷口水溢
 涌實石負圖即其地也近闕伯詩云隋地理志張掖郡
 張掖縣注曰有大柳谷今為甘州以寅饑而納日謂敬
 以饑日而納入之平治秩序西成之事秋主西方萬物
 至秋而成故曰西成此時之宵永短適中昏中星惟虛
 鄭注玄武中虛宿以殷仲秋之時時至仲秋厥民則夷
 孔傳夷平也蔡氏集傳暑退而人氣平鳥獸則毛落更
 生毳好也毳鮮好也說文毳仲秋鳥獸毛盛可選取以
 為器用讀若選申命和氏之叔使宅居於朔方其地曰
 幽都孔傳北稱朔亦稱方言一方則三方見矣北稱幽

尙書今文解

堯典

四

則南稱明從可知也都謂所聚也元朱氏祖義曰幽都
卽幽州史記黃帝之地北至幽陵案朔舊也故李慈曰
萬物盡於北方藉而復生以平治在察朔方變易之事
冬主北方一歲之事至冬而盡與春變易故曰朔易此
時之日極於短昏中星惟昴鄭注昴白虎中宿宋王伯
厚云日石轉星左轉約八十年差一度故沈存中云堯
典日短星昴今日短星東壁近程易田謂巴菴之云堯
典中星蓋就一方七宿之處其中者而言何承天云堯
冬至日在須女十度則以正仲冬當在胃五度今日日
短星昴非以昴爲西陸七宿之中歟案虛昴處西陸北
陸之中南陸七宿處中者昴昴謂大辰亦曰大火得日
星火東陸七宿之中則星也曰星鳥似謂張翼則非七
宿之中矣鄭注亦非盡舉中宿而言以正仲冬之時時
至仲冬厥民則噢噢室之深處民入室深處也鳥獸則
氄毛氄毛之細而暖者帝曰咨汝羲氏暨和氏凡其歲
之中統計得三百有六旬有六日分爲四時十二月此
非置閏則四時不定歲將不成汝等其以閏月定四時
使無差以成歲史記堯紀定作正宋晁氏以道謂唐開元方
誤作定閏百詩云開元當作天寶則允信釐正乎百工
而庶績咸熙矣釐正也熙和也百工不止百官凡作事

廟諱敬
下同

尙書今文解

堯典

五

皆謂之工歲成則百事正而庶績和庶績衆功也帝曰
疇疇字句誰也呼衆臣而問也咨咨字句歎聲呼而又
歎見其難也有能若順此時以爲治可登此帝位有庸
者乎庸功也放齊臣名曰帝之胤嗣子朱開啟明哲可
登庸帝曰吁歎聲豈不忠信訟多辨爭可乎言不可帝
曰疇咨有能若順乎之采者乎采事也驩兜臣名曰都
歎美詞共工可今方鳩聚衆工以僞布功謂方鳩工治
水僞字之訓於古無聞史記作旁聚布功則訓僞爲布
馬注具也與傳訓見者俱布意帝曰吁其爲人也靜則
能言庸之則違其象則似恭矣不觀其治水乎實使水
勢滔漫於天此時蓋以共工治水帝曰咨四岳主四方
山岳者蓋四人鄭注以二仲二叔爲四岳湯湯然洪水
方割害民蕩蕩乎懷山懷抱也襄陵襄駕也浩浩乎其
勢將滔漫乎天下民其皆咨嗟有能俾之乂治者乎食
曰四岳同對於敷美詞繇其可哉帝曰吁咈哉咈逆也
謂不然也其爲人也方命圯族方命謂不用命物圓則
行方則止故不用命謂方命圯敗也謂敗其族類岳曰
前兪曰是四岳同對此岳曰是一人復進也其才實異
哉異異通列子何以異哉說文舉也曷試之可乃已耳
帝戒之曰往宜欽哉鮮姓治水九載績功用弗能成帝

曰咨四岳朕在位已七十載孔傳堯年十六以唐侯升為天子在位七十年則時年八十六汝能庸朕之命其異朕位於汝乎異遜通岳曰否德猶云不德舜帝位曰汝當明明然揚舉側陋中之有德者側陋微賤者所居之處師錫帝曰師衆也錫子也帝不知而告之猶子也故曰錫有鰥者在下曰虞舜下云嬪于虞虞是地名舜所居也故曰虞舜後遂以虞為有天下之號晉皇甫謐曰今河東太陽山西虞地是也案虞當在今山西蒲州帝不待其言之畢急問曰俞猶是也予亦聞之矣其人如何乎岳曰瞽之子其父頑不則德義之經其母瞽

尚書今文解

堯典

六

不道忠信之言其弟曰象傲傲狠舜則克諧之以孝以孝和其父母弟烝烝然日進於父治使不格至於姦惡帝曰我其試之哉馬鄭王三家本俱無帝曰二字我其試哉四岳言也鄭注試以為臣之事帝於是女于時舜時是也指舜女讀去聲以觀厥刑于二女觀其閨門之化也刑如詩曰刑于寡妻之刑法也釐正其事降下二女于嬪汭水北曰汭嬪水之汭舜所居處地理今釋嬪汭在今山西平陽府蒲州界案水經云歷山有舜井嬪水出焉北曰汭水史記正義引地記云河東青山東山中有二泉南流為嬪水北流為汭水今考山西平陽蒲

尚書今文解

堯典

七

州南有嬪汭二水皆注大河與水經地記二書合蓋汭本訓北訓內又為小水入大水之名後人見嬪水北有小水入嬪遂蒙堯典文而加之名耳使作嬪于虞帝戒二女曰欽哉梅賾所上古文斷此以上為堯典於是帝使舜慎徽子五典五倫典常謹慎于五常使皆徽美也五典則克從從順也納之于百揆以揆度百事百揆則時叙賓之于四門蓋使舜主四方賓客鄭注賓讀為賓舜為上賓以迎諸侯惠定宇云賓古文價四門即明堂位東門南門西門北門也四門之人則穆穆然敬謂教化也故曰無凶人納之于大麓蓋使巡行山川將以治

儀可旋轉故曰璣孔疏璣爲轉運衡爲橫簫謂以璣璣
玉衡察日月五星七者以齊其政也鄭注七政謂春秋
冬夏天文地理人道所以爲政也人道盡而萬事順成
惠定宇謂羲和主天地仲叔主四時皆爲授民事而設
卽七政也於是肆類祭于上帝肆大也孔傳遂也禮祭
于六宗孔傳宗尊也所尊者有六四時也寒暑也日也
月也星也水旱也案六宗伏生大傳謂天地春夏秋冬
歐陽大小夏侯皆云所祭者六土不謂天下不謂地旁
不謂四方在六者之間助陰陽變化實一而名六宗賈
逵以爲天宗三日月星辰地宗三河海岱馬融以爲天

尙書今文解

堯典

八

地四時鄭康成以爲禮與祭天同名則六者皆是天之
神祇謂星辰司中司命風師雨師也惠定宇以受終文
祖爲至明堂施政云明堂有六天其天子觀諸侯則有
六宗六宗卽六天之神又謂之方明虞禮六宗而觀四
岳羣牧周祀方明而觀公侯伯子男其制一也六天者
昊天上帝與五帝之神爲六上帝雖與五帝爲六其祀
之則仍有別蓋上帝又爲五帝之主宰故也望祭于山
川徧祭于羣神徧周徧也無不祭也非祭名輯五等諸
侯之瑞瑞諸侯所執之玉也輯蓋修治之既盡此正月
乃日觀四岳之臣與羣爲牧者以班次給其瑞于羣后

尙書今文解

堯典

九

此瑞卽上文所謂輯五瑞者歲五年巡守之歲二月東
巡守至于岱宗孔傳泰山地理今釋在今山東泰安州
北五里紫孔傳謂燔柴祭天告至范甯注祭山曰燔柴
望而以秩序祭于東方山川祭泰山之後凡東方山川
悉按大小以次序望而祭之肆覲東方羣后協其時月
正其日同其律度量衡等器修其五等諸后朝覲之禮
五玉五等諸后所執之玉三帛帛有三等鄭云高陽氏
後用赤繒高辛氏後用黑繒其餘諸侯皆用白繒二生
生禽二死死禽一以爲朝覲之贊悉如乎其五器五
器五瑞也贊各視乎其器以爲輕重既卒事乃復歸國
五月南巡守至于南岳孔傳衡山地理今釋在今湖廣
衡州府衡山縣西北三十里接衡陽縣及長沙府界亦
如岱宗一切之禮八月西巡守至于西岳孔傳華山地
理今釋在今陝西西安府華陰縣南十里如初巡守之
禮十有一月朔巡守至于北岳孔傳恒山地理今釋在
今山西大同府渾源州南二十里接直隸真定府界如
西巡守之禮歸格于藝祖用特牲格如神保是格之格
謂神格也孔傳藝文也馬王俱云禘也五載之中一巡
守羣后四入京師朝省敷陳奏進以其言而明試之以
其功其有功者則用車服以庸之賞功曰庸肇始分爲

十有二州孔傳謂分冀州爲幽州并州分青州爲營州
始置十二州則十二州者冀兗青徐荆揚豫梁雍并幽
營也愚意堯之時四岳主四方無所謂九州也舜始分
四方爲十二州禹治水乃定爲九州耳封其十有二州
之山並濬其川象天以有典之刑謂著之爲典使人
象之如後世之律以放流轉宥五刑之罪謂五刑之當
輕者或流之或有之五刑當是於五典有犯失者刑之
故刑亦曰五堯舜時未必有如呂刑之所謂五刑也范
蜀公正書曰舜之五刑流也官也教也贖也賊也流宥
五刑者舜制五流以宥三苗之剽劫荆官大辟也以顓

尙書今文解

堯典

十

作官刑官刑謂在官者得自刑其下非國刑故曰官刑
以扑作教刑教刑學校之刑如周禮夏楚以金作贖刑
定爲何等罪得贖須如千金其爲膏災歟膏謂無心之
過災謂被人牽連則肆而赦之肆如春秋肆大青之肆
大赦也謂不須贖怙終怙謂有所恃終謂不肯改則
賊而刑之戒之曰欽哉欽哉惟用刑之宜恤哉一刑不
可復贖故宜恤流共工于幽洲共工卽象恭滔天者幽
洲孔傳謂北裔閭伯詩云括地志故冀城在檀州燕樂
縣界故老傳云舜流共工于幽洲居此城今鎮遠軍密
雲縣也放驩兜于崇山驩兜卽薦共工者崇山孔傳謂

南裔地理今釋在今湖廣永定衛西大庸所東竄三苗
于三危三苗卽苗民孔傳謂國名縉雲氏之後竄迫之
使遠也三危孔傳謂西裔地理今釋在今陝西嘉峪關
外廢沙州衛界非禹貢三危殛鯀于羽山鯀禹父卽九
載績用弗成者羽山孔傳謂東裔在海中地理今釋在
今山東兗州府沂州近南一百里接鄰城縣及江南淮
安府海州贛榆縣界胡朏明云今登州府蓬萊縣東五
十里有羽山卽殛鯀處禹貢之羽山在徐城堯典之羽
山在青域也四罪而天下咸服從不敢爲惡二十有八
載舜攝位二十八載帝乃殂落殂而落謂死也百姓如

尙書今文解

堯典

十一

喪考妣三載百姓百官百官服喪三年四海皆遏絕密
閉八音不用於三年喪畢之月正元曰舜乃格于文祖
之廟而卽帝位詢于四岳闢四方進賢之門明四方之
目達四方之聰視聽用人悉與四方共之惠定宇謂格
文祖舜至明堂命官也四門卽明堂四門咨於十有二
州之牧戒之曰民食之宜重哉惟當敬授以時也柔遠
者能邇者惇厚有德者允信元善之人而難乎任人謂
以任人爲難任孔傳訓佞蔡傳謂古文作壬則謂難之
使不得進也則蠻夷且率從而來服矣舜曰以舜曰別
之以下帝曰悉爲舜言矣咨四岳有能奮發其功庸以

熙和治堯之載者乎載事也使宅居此百揆之職以揆
度百事亮明其采采事也惠此疇顧念曰咨四岳每咨
以兪曰知四岳非一人伯禹方作司空者可帝曰兪是
也咨禹汝其平水土惟時宜懋勉哉是時事莫大於治
水水土平而後百事興故卽以平水土爲百揆禹聞命
拜而稽首至地讓于稷契暨皋陶帝不允其讓曰兪汝
之讓此三人是也但各有其事汝其往哉帝曰棄黎民
方阻厄於飢汝其此稷官后君也君爲國之主主
此官有君道故曰后播布其時於民以種殖百穀鄭注
時讀曰時帝曰契百姓之不相親以五品之不遜也汝

尙書今文解

堯典

三

其作司徒以敬敷陳五倫之教於百姓在寬以待之帝
曰皐陶蠻夷猾亂於中夏爲寇爲賊爲姦爲兇在內曰
姦在外曰兇汝其作士以五刑治之五刑各有其宜服
得何罪宜服何刑五刑之服則有三就鄭注原野也市
朝也甸師氏也五刑當有而爲五流亦各有其宅居之
地犯何罪宜居何地五刑之宅則有三居鄭注若周之
夷服鎮服蕃服惟明方克允當也案三就三居蓋謂服
流之中臨時酌宜有三等用法耳故惟明方克允當也
至何者爲三經無明文難可臆定稷契皋陶是帝特簡
故不允禹之讓而直命之不須問也帝曰疇能若順子

之工者乎兪曰垂哉帝曰兪咨垂汝其共工共供也謂
供其職垂拜稽首讓于殳斯暨伯與帝曰兪往哉汝其
諧此三人者使佐汝帝曰疇其若順子之上下草木鳥
獸者乎兪曰馬鄭王三家並作禹曰益哉帝曰兪咨益
汝其作朕虞官益拜稽首讓于朱虎熊羆帝曰兪往哉
汝其諧此四人者使佐汝帝曰咨四岳有能典主朕之
三禮者乎孔傳天地人之禮兪曰伯夷帝曰兪咨伯汝
其作秩序宗廟之官夙夜惟當寅敬直哉惟宜清淑其
心祀神無論故曰直伯拜稽首讓于夔龍帝曰兪往宜
欽哉帝曰夔命汝典樂樂主教教諸胄子使之直而

尙書今文解

堯典

三

能溫寬而能栗栗嚴栗也剛而無失之暴虐簡而無失
之傲慢樂必有詩詩所以言其志詩必頌歌歌所以永
長其言所謂長言之歌則有聲聲必依乎其永言者所
謂永歎之有聲則有律律所以和其聲聲與律和八音
克諧無有相奪倫理者而神人以和矣夔應之曰於美
矣哉予其用此以擊石拊石以諧八音不惟神人和雖
百獸亦且相率而舞也帝曰龍朕聖惡讒亂之說聖疾
聲近古通說文除也殄絕善行以震動驚懼朕之師衆
命汝作納言之官汝其夙夜出納朕命惟當允信也帝
曰咨汝等二十有二人所命九官與殳斯伯與朱虎熊